

Broj: 06-02/2-2411/21 EP
Sarajevo, 27.09.2021. godina

Босна и Херцеговина
Федерација Босне и Херцеговине
ПАРЛАМЕНТ ФЕДЕРАЦИЈЕ
САРАЈЕВО

Primljeno: 01-10-2021

Org. jed.	Broj	Priloga	Vrijednost
05/2	- 02 -	282	/21

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
n/r mr. sci Izmir Hadžiavić, sekretar

PREDMET: Poslaničko pitanje i inicijativa gđe Alise Hajdarević,
odgovor, dostavlja se.-

Vlada Federacije Bosne i Hercegovine prosljedila je Federalnom ministarstvu rada i socijalne politike Vaš akt broj: 05/2-02-282/21 od 07.09.2021. godine, uz koji nam je dostavljeno poslaničko pitanje i inicijativa koju je podnijela gđa Alisa Hajdarević, poslanica u Domu naroda Parlamenta Federacije BiH, *kojom se traži od Vlade Federacije BiH da hitno pripremi Nacrt Zakona o zaštiti žrtava torture.*

U vezi sa istim dostavljamo sljedeći:

ODGOVOR

Zaštita civilnih žrtava rata u Federaciji BiH trenutno je regulisana odredbama unutar Zakona o osnovama socijalne zaštite, zaštite civilnih žrtava rata i zaštite porodice sa djecom („Službene novine Federacije BiH“, broj: 36/99, 54/04, 39/06, 14/09, 45/16 i 40/18), pri čemu isti Zakon uređuje oblast socijalne zaštite, zaštite porodice sa djecom i zaštite lica sa invaliditetom. U smislu navedenog, a shodno planu uređenja i unapređenja oblasti koju tretira ovaj propis, kao i planu rada ovog organa, predviđeno je da se Zakon o osnovama socijalne zaštite, zaštite civilnih žrtava rata i zaštite porodice sa djecom, razdvoji na četiri propisa koji bi zasebno regulisali svaku pojedinu grupu korisnika.

U tom kontekstu Federalno ministarstvo rada i socijalne politike je pristupilo pripremi posebnog federalnog zakona o civilnim žrtvama rata. U procesu pripreme Nacrta Zakona o zaštiti civilnih žrtava rata u Federaciji BiH, obavljene su konsultacije sa ključnim akterima i prema planu izvršenja ovog zadatka, do kraja godine će isti biti upućen Parlamentu Federacije BiH.

Ovim Zakonom predviđene su određene izmjene u odnosu na postojeći propis, koje su u korist korisnika prava, ali se prvenstveno posvetila pažnja preciziranju postojećih odredbi radi lakšeg provođenja postupka i utvrđivanja prava korisnika. Međutim,

ostvarivanje prava osoba koje su tokom rata u BiH kao civili bili zatočnici logora ili protupravno lišeni slobode, ostaje u istim okvirima. Dakle, ostvarivanje prava ovih osoba zasnivat će se na posljedicama tjelesnog oštećenja ili oštećenja zdravlja, a ne na činjenici boravka u logoru ili zatvoru.

S tim u vezi skrećemo pažnju na sljedeće: Svrha ovog zakona je da pruži podršku osobama koje su kao civili stradali u ratu i u odnosu na to stradanje imaju posljedicu koja se odražava na njihov život (gubitak dijelova tijela, zdravlja, člana porodice), što predstavlja određeni vid reparacije. Također, ovim propisom je obuhvaćena tzv. „posebna kategorija civilnih žrtava rata“ koja se odnosi na osobe koje su kao civili preživjele seksualno zlostavljanje i silovanje, i u ovom slučaju medicinska dokumentacija nije uslov, nego je uslov utvrđivanje činjenice o preživjelom traumatskom iskustvu. Dakle, u fokusu propisa je zaštita i podršku osobama koje su tokom rata u Bosni i Hercegovini kao civili doživjeli gubitak i traumu, a što je u okvirima resora socijalne zaštite.

Međutim, predmetna inicijativa potencira pitanja koja su iz domena **ljudskih prava**, a to je pitanje prava logoraša na materijalnu naknadu po osnovu statusa logoraša. Pitanje ljudskih prava je u domenu resora pravde, odnosno isto je na primarno odgovornost države Bosne i Hercegovine i nadležnih organa na nivou države Bosne i Hercegovine. Ovo ministarstvo i Vlada Federacije BiH ne mogu preuzeti tu odgovornost, prvenstveno jer bi se Federaciji BiH nametnule velike finansijske obaveze za pitanja za koja objektivno i stvarno nije odgovorna.

Podsjećamo da su predstavnici Vlade Federacije BiH još 2017. godine sudjelovali u pripremi Zakona o pravima žrtava torture u Bosni i Hercegovini, kojim su predviđene i definirane obaveze entiteta u njegovoj provedbi, da je Vlada Federacije BiH dala saglasnost na Nacrt tog propisa i iskazala spremnost za provedbu istog, ali do danas taj propis nije donesen. Mišljenja smo da je propis donesen na nivou države Bosne i Hercegovine jedini način i put jedinstvenog rješenja pitanja ljudskih prava logoraša u BiH i izvršavanja obaveza Bosne i Hercegovine u pogledu CAT-a.

U smislu svega navedenog smatramo da pitanje zaštite i odgovarajuće reparacije logoraša u Bosni i Hercegovini treba biti riješeno na jedinstven način, kao pitanje ljudskih prava, što znači kroz angažman nadležnih organa pravde i ljudskih prava i institucija države i entiteta koordinirano. Svako drugo rješenje bilo bi nova diskriminacija.

S poštovanjem,

Dostaviti:
- Naslovu;
- a/a

